



PREZIDÊNCIA KONSELLU MINISTRUS

VII GOVERNUN KONSTITUSIONÁL

KOMUNIKADU IMPRENSA

Sorumutuk Konsellu Ministrus nian iha loron 20 fulan-marsu tinan 2018

Governu hala'o sorumutuk iha Pálasiu Governu, iha Dili, no aprova ona proposta kona-ba Dekretu-Lei ba regulasaun organizasaun no funksionamentu husi Komisaun Terras no Propriedades, ne'ebé apresenta husi Ministra Justisa, Maria Ângela Carrascalão. Proposta lejizlativa ne'e buka atu regula Komisaun Terras no Propriedades, ne'ebé kria liuhusi artigu da-55 no artigu hirak tuirmai husi Lei n. 13/2017, loron 5 fulan-jullu, ne'ebé aprova ona Rejime Espesiál ba Definisau kona-ba Titularidade Beins Imóveis. Komisaun Terras no Propriedades, hanesan pesoa kolektiva ho Direitu Públiku, goza autonomia administrativa, finanseira no patrimoniál, no ninia misaun mak atu apresia no rezolve kazu disputa sira iha âmbito prosesu rekoñesimentu no atribuisaun ba direitu no propriedade.

Konsellu Ministrus analiza ona proposta kona-ba Rezolusaun Governu nian ba kriasaun komisaun interministeriál ba kampaña marketing no promosaun kona-ba destinu turístiku iha Timor-Leste, ho lema "Visita Timor-Leste 20-30", ne'ebé apresenta husi Ministru Turizmu, Manuel Vong. Proposta kona-ba Rezolusaun Governu nian nian ne'e buka atu define instituisaun Estadu nian sira ne'ebé partisipa iha kampaña no apoia ba kriasaun kondisaun favoravel sira ba dezvoltamentu estratéjia sira no metodolojia ne'ebé sei utiliza iha kampaña promosaun no marketing país nian hanesan destinu turístiku no destinu investimentu turístiku nian, ho konsiderasaun katak turizmu eleitu ona hanesan pilár prinsipál ida mós iha dezvoltamentu ekonómiku país nian, ne'ebé ninia promosaun kompete ba Governu, setór privadu, comunidade lokál no sociedade sivil. Proposta ne'e la hetan aprovasaun, no iha ona akordu ida atu kria grupu traballu nian ida ne'ebé haree kona-ba revizaun ba Polítika Nasionál Turizmu nian.

Hodi konsidera katak, nu'udar efeitu husi Rezolusaun Governu n. 2/2018, loron 24 fulan-janeiru nian, Governu Timor-Leste autoriza ona Peek Everest Mining, Lda hodi halo rekolla, esportasaun no teste



Palácio do Governo,
Avenida Presidente Nicolau Lobato,
Dili, Timor-Leste

ddigovtl.09@gmail.com
(+670) 33 310 608

ba amostra manganés husi depóztu sira ne'ebé lokaliza iha área Nipane no Pasabe, iha Rejiaun Administrativa Espesial Oekusi Ambenu no tanba iha tiha ona konfirmasaun kona-ba ezisténsia husi depóztu relevante manganés nian iha área hirak ne'e, Autoridade Nasionál Petróleu no Minerais (ANPM) apresenta ona ba Konsellu Ministrus proposta kona-ba Rezolusaun Governu nian ne'ebé define termu no kondisaun jerál sira husi kontratu prospesaun manganés nian entre Repúblika Demokrátika Timor-Leste (RDTL no Peek Everest Mining, Lda. Ministru Estadu no Ministru Rekursus Minerais, Mariano Assanami Sabino, maka hodi RDTL nian naran no representa RDTL, simu mandatu atu halo negosiasaun kona-ba termu konkretu sira no kondisaun sira husi kontratu prospesaun nian ne'e. Rezolusaun Governu nian ne'e e hetan aprovasaun ho korresaun balun.

REMATA

